

粵西叢載

清汪森編

第六冊

進步書局校印

粵西叢載卷二十

清 汪森編

牡荊

寧浦有牡荊。指病自愈。節不相當者。月暈時刻之。與病人身齊等。置牀下。病雖危亦無害也。南方草木狀

荊木寧浦有三種。金荊作枕。紫荊作牀。白荊作履。與他處牡荊蔓荊全異。南甯府志

兩廣樹

蒼梧縣南十五里。與封川界屬廣東。有兩廣樹。在封梧之間。南北兩柯。驗其榮瘁。以卜兩省之豐凶。廣西志勝

枕榔木

枕榔樹。枝葉並蕃茂。與棗欖榔等樹小異。然葉下有鬚如麈尾。廣人採之以織巾子。其鬚尤宜醃水浸漬。即麈尾而韌。故入以此縛船。不用釘線。木性如竹。紫黑色。有文理而堅。工人解之以制博奕局。此樹皮中有屑如麪。可為餅食之。嶺表錄異

枕榔木。身直如杉。又如欂櫨。有節似大竹。一幹挺上。高數丈。開數十穗綠色。虞衡志

李德裕詩。枕柳樹葉暗蠻溪。枕柳身似樓欄而色綠似竹。亦有絲自裹。薄自締。緡高七八丈。亭亭直上。葉大如掌。皆攢於樹之杪。甚濃密。其杪抽絲。蔓千百條。長丈餘。垂下如縷。毵毵可玩。土人云。高二三丈。時刻其心。粉之作麪。甚美。南中樹此種形之最異者。張九齡詩。里樹枕柳出。謂其特高出羣木之表也。西事耳

邕州道署後有枕柳樹四株。隅立競秀。高十餘丈。玩之不厭。

嶠南瑣記

娑羅樹

娑羅樹。出西番海中。余在潯州時。官圃一株甚巨。每枝生葉七片。有花穗甚長而黃。如栗花。秋後結實。如栗可食。正所謂七葉樹也。按李邕進娑羅樹狀云。此樹不庇凡草。不止惡禽。如得託根長樂。擢穎建章。布葉重陰。比月中之丹桂。連枝接影。對天上之白榆。東庠則青郊苦而歲不稔。西茂則白藏泰而秋有成。蓋異樹也。佛書一曰菩提樹。一曰波羅樹。又月中樹影。皆曰闍浮山娑婆樹影所映。一樹而異名爾。

慎懋官
華亭花

考木

無患木

無患。俗名苦珠子。可去垢。其木用為棒為器。以厭百鬼。故名。崔豹古
今注

無患木。燒之極香。辟惡氣。一名噤婁。一名桓。昔有神巫曰瑤。能符核百鬼。擒魑魅。以無患木擊殺之。世人競取此木為器用。却鬼。因曰無患木。段成式酉陽雜俎

紫檀木

紫檀木。出交趾。廣西湖廣。性堅新者色紅。舊者色赤。有蟹爪紋。新者以水濕浸之色

能染物。

曹昭格古要論下同

虎斑木

虎斑木。出海南。其紋理似虎斑。故名。今慶遠所屬多有之。

檀香樹

檀香一名旃檀。一名直檀。出廣州雲南及占城真臘諸國。今嶺南諸地亦皆有之。樹

葉皆似荔枝。皮青色而滑澤。有三種。黃檀。

皮實色黃。白檀。皮潔色白。紫檀。皮腐色紫。

其木並堅重清

香。而白檀黃檀尤盛。宜以紙封固。則不洩氣。紫檀新者色紅。舊者色紫。有蟹爪文。白

檀辛溫。氣分之藥。故能理胃氣。調脾肺。利胸膈。紫檀鹹寒。血分之藥。故能和營氣。消

腫毒。治金瘡。

王蓋臣犀芳譜

降真香

降真香。一名紫藤香。一名雞骨香。生南海及大秦國。今兩廣雲南皆有。不甚佳。舶上來名番降。紫而潤者良。焚之氣勁而遠。可以降神。故名降真。羣芳譜

沙木杉木

沙木與杉同類。尤高大。葉尖成叢。穗少與杉異。虞衡志

思恩荔波二縣西北界。上與貴州爛土黎平諸峒相接。不通王化。有美杉生山下。山頽壓覆。不知幾千百年矣。今云是諸葛丞相伐而埋之。雖未盡然。要亦兩漢先秦時物也。夸人每候其地。有紫氣上騰。則羣聚穿土。輒得之。紫色堅類牛角。投於水即沉。解為棺。出市之。恨薄而且短。以道險出之難也。曾聞有該縣尹欲得厚且長者。遣親信詣彼求之。夸怒曰。爾欲使官府擾我乎。殺之。然實天下至寶也。月山叢談

桤木。廣西四川色黃。紋理稍黑。花紋細者可愛。直理者多。性最柔可圈。素新者有香。

濁甚。

格古要論

杉木出四川廣西江西湖廣徽州等處。俗呼曰杉木。又曰檜木。色白而其紋理黃。稍紅有香甚清。或云南蕃腦子生。此木中有花紋。細者如雉雞斑甚難。花紋粗者亦可愛。直理不花者多。同上

榕

榕樹南海桂林多植之。葉如木麻。實如冬青。樹幹拳曲。是不可以為器也。其本稜理而深。是不可以為材也。燒之無焰。是不可以為薪也。以其不材。故能久而無傷。其蔭十畝。故人以為息焉。而又枝條既繁。葉又茂細。軟條如藤垂下。漸漸及地。藤稍入地。便生根節。或一大株有根四五處。而橫枝及鄰樹。即連理。南人以為常。不謂之瑞木。

南方草木狀

榕易生之木。又易高大。可覆數畝者甚多。根出半身。附幹而下。以入土。故有榕木倒生根之語。禽鳥銜其子。寄生他木上。便蔚茂。根下至地。得土氣久。則過其所寄。虞衡志 粵西藩臬二司外守巡道。俱無衙宇。余間入會城。嘗憩於兩廣公署。前庭有榕檜二樹。駢生。蟠根合體。互相糾結。異枝交蔭。蒼翠成帷。每婆娑其下。玩之不忍去。梧澤雜佩 昔山谷南遷。維舟榕下。後人為作榕溪閣。南軒文集

楓

廣西南寧府橫州。其地楓始生。葉有蟲食之。蟲形似蠶而赤黑。四月間熟。亦如蠶之將絲。州人擘取其絲。光明如琴絃。海濱蜃人鬻之作釣。緝適於用。陳霆雨山墨談

五嶺之間多楓木。歲久則生癭瘤。一夕遇暴雷驟雨。其樹贅暗長三五尺。謂之楓人。越巫取之作術。有通神之驗。取之不以法。則能化去。南方草木狀

楓樹子大如雞卵。二月華已乃著實。八九月熟。曝乾燒之。香馥。段成式酉陽雜俎

柳

予師帶溪曲公。自西粵左轄入覲。為予言西粵無柳。僅藩司一株。每吐葉則司中設席請三司賞柳。以為奇觀。後以質之予。同年唐凡抱一。唐云豈止此。某鄉紳園中仍有一株。夫柳中土林立。而粵西至此之異卉奇葩。然則物之貴賤。豈有定哉。羣芳譜

桂

臨桂縣荔水。水源多生桂。桂生處不生雜樹。十道志

桂。南方奇木。上藥也。桂林以桂名地。實不產。而出於賓宜州。凡木葉心皆一縱理。獨桂有兩紋形。如圭製字者。意或出此。葉味香甜。與皮無別。而加芳美。人喜咀嚼之。虞志

桂皮根上厚皮。內肉為桂心。中薄者名桂皮。樹枝小枝即桂枝。作三等用。南甯府志

桂林八樹。海經云。在賁馬東。今云即桂州。不知賁東是桂郡否也。今粵西地最宜桂。

大者十圍。終年蔥蒨。秋風時起。四遠聞香。至冬枝端結子。纍纍然如小蓮子。中空有漿。百粵風土記

筍桂

筍桂。生交趾桂林山谷。嵒崖間。無骨正圓如竹。立秋采之。本草綱目

鐵力木黃連木

鐵力一名石鹽。一名鐵稜。可作棟梁。南甯府志

邕人言鐵力木能上水。僅可百餘年。惟黃連木最能久。嶺南瑣記

黃連木。作棺槨堅久。南甯府志

椿樹

道內有大椿樹二株。高十餘丈。蒼鬱濃茂。在廳事之前。對立危聳。數百年物也。嶺南瑣記

寓木

木之寄生者曰寓木。見山海經。梧之桑寄生酒為佳。然粵人不事釀作。真寄桑者甚

鮮。嶺南瑣記

土產異藥。有豬腰子。七金藤勾。金皮玄黃基。多治腫毒。而桑寄生尤多。士人不知飼

蠶桑皆合抱枝葉無損氣溢而為寄生功力倍於他處其他鯖魚膽蚺蛇膽蛇黃三

七三豆根皆佳

百粵風土記

五嶺以南絕無霜雪最宜樹樹上多寄生本即山海經所謂寓木也而桑寄生以入藥名獨著梧之長州饒有之採時須令并桑枝摘取不爾即雜以他木莫可辨

張七澤梧澤雜佩

茶樹

修仁茶修仁本靜江府屬縣製片二寸許上有供神仙三字者上也大片粗淡

通志下同

紅花茶宋鄒道卿有詩稱其能消鬲禦烟嵐

豬腰子

豬腰子生柳州蔓生結莢內子大若豬之內腎長三四寸色紫而肉堅彼人以充土

宜饋送中土

本草綱目

雞桐

雞桐葉如棟其葉煮湯療足膝疾

虞衡志下同

思儼木

思儼木生兩江州洞堅實漬鹽水中百年不腐

龍骨木

龍骨木。色翠青。狀如枯骨。

木綿

斑枝花樹大可合抱。高四五丈。葉黃花紅。如山茶。而片極厚。一名木棉。出南方。俗謠作攀枝花。羣芳譜

木棉一名瓊枝。其高數丈。樹類梧桐。葉類桃而稍大。花色深紅。類山茶。春夏花開滿樹。望之爛然如綴錦。花謝結子。大如酒杯。絮吐於口。茸茸如細毳。舊云海南蠻人織為布。名曰吉貝。今第以充襦褐。取其軟而溫。未有治以為布者。潯梧間亦多有之。但土人未嘗採取。隨風飄墜而已。梧潯雜佩

臘脂木

臘脂木。堅緻。色如臘。脂可鑊。作出融州及州洞。桂林屬縣亦有之。虞衡志下同

風膏藥

風膏藥。葉如冬青。治太陽疼。頭目昏眩。

南漆

南漆如稀餡。氣如松脂。需需無功。

綿木

綿木生永寧山中。義寧陽朔皆有之。細幹而柔韌。治為刀槍柄。長能及遠。輕且不折。
百粵風土記

烏藥

烏藥。南人亦呼為矮樟。生嶺南邕州容州。樹生似茶。高丈餘。一葉三極。葉青陰白。根似山芍藥。及烏樟。根色黑褐。作車轂紋橫生。八月采根。其直根者不堪用。
本草綱目

蚊子樹

有樹如冬青。實生枝間。形如枇杷子。每熟即坼裂。蚊子羣飛。惟皮殼而已。土人謂之

蚊子樹。
嶺南錄異

檳榔

木實曰檳榔。樹無枝。略如柱。其顛生穗而秀。生棘針。重疊其下。彼方珍之。以為口實。
出交趾。廣志

檳榔樹高十餘丈。皮似青桐。節如桂竹。下森秀無柯。端頂有葉。葉似甘蔗。條派開破。

仰望眇眇。如鍾叢蕉於竹杪。風至獨動。似舉羽扇之掃天。葉下繫數房。綴數十子。家

有數百樹。林邑記

檳榔樹。若筍竹。生竿近上。末五六尺間。洪腫起如塊木焉。因圻裂出。若黍秀也。無華

而為實。大如桃李。天生棘。重累其下。所以禦衛其實也。剖其上皮。煮其膚。熟而實之。

堅如乾棗。以扶留藤古貴灰并食。則滑天下氣。及宿食消穀。異物志

檳榔。土人以為貴。欸客必先進。若邂逅不設。用相嫌恨。南中八郡志

檳榔。信南越之可觀。子既非常。木亦特異。大者三圍。高者九丈。葉聚樹端。房構葉下。

華秀房中。子結房外。其擢穗似禾。其綴實似穀。其皮似桐而厚。其節似竹而概。其中

空。其外勁。其屈如覆缸。其申如繩。繩本不大。末不小。上不傾。下不邪。稠直亭亭。千百

若一步。其林則寥朗。庇其陰則蕭條。信可以長吟。可以遠想矣。性不耐霜。不得北植。

必當遐樹海南。遼然萬里。弗遇長者之目。自令人恨深。俞益期賡

嶺南人以檳榔代茶。且可以禦瘴。余至不能食。久之亦能稍稍。居歲餘。則不可一日

無此君矣。故嘗謂檳榔之功有四。一曰醒能使之醉。蓋每食之。則熏然頰赤。若飲酒

然。東坡所謂紅潮登頰。醉檳榔者是也。二曰醉能使之醒。蓋酒後嚼之。則寬氣下疾。餘醒

頓解。三曰饑能使之飽。蓋饑而食之。則充然氣盛。若有飽意。四曰飽能使之饑。蓋食後食之。則飲食消化。不至停積。嘗舉似於西堂先生范旂叟曰。子可謂檳榔舉主矣。然子知其功。未知其德。檳榔賦性疏通而不洩氣。稟味嚴正而有餘甘。故有是功也。

羅大經鶴林玉露

閩廣人食檳榔。取其驅瘴癘之氣。至稱其四德。曰醒能使醉。醉能使醒。饑能使飽。飽能使饑。然檳榔破癥消積。殊有神效。余食後輒餌之。至今不能一日離也。按本草謂其能殺三蟲。下胸中至高之氣。夫余之百鍊剛。化作繞指柔。亦已久矣。縱服此胸中寧復有至高之氣乎。本草原始曰。賓與郎皆貴客之稱。交廣人凡賓客勝會。必先呈此。故以檳榔名也。謝肇淛五雜俎

啖檳榔和薑葉醺少灰咀之。大率與閩廣同。檳榔以瓦缶浸令軟。薑葉小而味薄。春夏無葉。則嚼其根。味亦香辛。食之既久。唇紅齒頰處處吐水石上。如一團鮮血。乍見

駭人。百粵風土記

檳榔出廣西鬱林州。樹如棕櫚。高七八丈。擇葉可為善。不引風氣。其實尖者為貴。與石灰同。實令人齒黑。故有雕題黑齒之俗。實能辟瘴氣。故土人日日早食。客至傳以

相待。格古要論

納子

山欖榔。一名納子。幹似蔗。葉類柞。一叢千餘幹。幹生十房。房底數百子。四月採。竺法真疏
山欖榔。形小而大於納子。納子土人亦呼為欖榔。廣州記

龍眼荔枝卻貢

漢永光十五年。嶺南舊貢生龍眼荔枝。十里一置。五里一候。晝夜傳送。臨武長汝南唐羗上書曰。臣聞上不以滋味為德。不以貢膳為功。伏見交趾七郡。獻生龍眼等。鳥驚風發。南州土地炎熱。惡蟲猛獸。不絕於路。至於觸犯死亡之害。死者不可復生。來者猶可救也。此二物升殿。未必延年益壽。帝下詔曰。遠國珍羞。本以薦奉宗廟。苟有傷害。豈愛民之本。其勅大官勿復受獻。資治通鑑

荔枝

汝唐南羗為臨武長縣接交州。州舊貢荔枝。及生犀獻之。羗上書諫。乃止。謝承後漢書
蒼梧多荔枝。生山中。人家亦種之。吳錄

南方果之美者。有荔枝。梧州火山者。四月先熟而味少劣。其高潘者最佳。五六月方

熟有核類雞卵。大者其肪瑩白。不減水精。性熱液甘。乃奇實也。錄戶

荔枝樹高五六丈。如桂樹。綠葉蓬蓬。冬夏鬱茂。青華朱實。實大如雞子。核黃黑似熟蓮子。實白如肪。甘而多汁。似安石榴。有甜酢者。夏至日將已時。翕然俱赤。則可食也。一樹下子百斛。荔枝熟時。百鳥肥。其名之曰焦核小。次曰春花。次曰胡偈。此三種為美。似鰾卵大而酸。以為醢和。率生稻田間。志廣

荔枝自湖南界入桂林。纔百餘里。便有之。亦未甚多。昭平出極核。臨賀出綠色者。尤勝。自此而南。諸郡皆有之。悉不宜乾。肉薄味淺。不及閩中所產。志廣

核之細者。謂之焦核。荔枝之最珍者也。志廣

潯州亦有荔枝。獨平南所出最佳。皮色綠而雜以紅點。斑駁可愛。名曰綠葉。香味亦不下鬱林。又自邑至郡。疾行半日可達。故鮮美尤勝。梧潯雜佩

山韶子

山韶子。色紅。肉如荔枝。夏實。虞衡志

韶葉如栗赤色。子大如栗。有棘刺破其皮。內有肉如豬肪。著核不離。味甘酢。核如荔

枝。綱目

龍眼

龍眼樹如荔枝。但枝葉稍小。殼青黃色。形圓如彈丸。核如木梳子而不堅。肉白而帶漿。其甘如蜜。一朵五六十顆。作穗如蒲萄然。荔枝過即龍眼熟。故謂之荔奴。如言常隨其後也。東觀漢記曰。單于來朝。賜橙橘龍眼荔枝。魏文帝詔羣臣曰。南方果之珍異者。有龍眼荔枝。今歲貢焉。出九真交趾。南方草木狀

龍眼。南州悉有之。極大者出邕州。圍如當二錢。但肉薄。不能遠過常品。為可恨。廣志

龍眼樹。葉似荔枝。蔓延緣木生子。如酸棗。色黑。純甜無酸。七月熟。廣志

龍眼一名益智。一名比目。吳氏本草

龍眼。自尉陀獻漢高祖。始有名。見西京雜記。左太冲賦。旁挺龍目。即此。梧澤署中皆有之。結實甚繁。剖之色瑩白。政如水晶。凡核映於外。味亦甘美。但微覺草氣。風韻遠遜荔枝。故謂之荔枝奴。蘇長公曰。閩越人高荔子而下龍眼。吾為平之。荔子如食蜂蟠大蟹。斫雪流膏。一啖可飽。龍眼如食彭越石蟹。嚼嚙久之。了無所得。然酒闌口爽。饜飽之餘。則啞啞之味。石蟹有時勝蜂蟠也。長公此語。足為荔奴解嘲。梧澤雜佩

山龍眼

山龍眼。出廣中。夏月熟。色青。肉如龍眼。亦龍眼之野生者也。虞衡志下同

龍荔

龍荔。殼如小荔枝。肉味如龍眼。木之身葉亦似二果。故名。可蒸食。不可生啖。令人發癩。或見鬼物。三月開小白花。與荔枝同時。

椰

椰樹。高六七丈。無枝條。葉如束蒲在其上。實如瓠。繫在於山顛。若挂物焉。實外有皮如胡盧。核裏有膚。白如雪。厚半寸。如豬膚。食之美於胡桃。味也。膚裏有汁升餘。其清如水。其味美如蜜。食其膚可以不饑。食其汁則愈渴。又有如兩眼處。俗人謂之越王

頭。

異物志

椰。二月花色。仍連著實房。相連累房三十或二十七八子。十一月十二月熟。其樹黃實。俗名之為丹也。橫破之可作碗。或微長如栝萁子。從破之可作為爵。南方草木狀

椰樹大三四圍。長十丈。通身無枝。至百餘年。狀如蕨菜。長丈四五尺。皆直竦指天。其實生葉間。大如升。外皮苞之。如連狀。皮中核堅過於核。裏肉正白如雞子。著皮而腹內空。含汁大者含升餘。實形團團然。或如瓜萁。橫破之可作爵形。並應器用。故人珍